

**MALAYSIA**  
**DEWAN RAKYAT**  
**ATURAN URUSAN MESYUARAT**

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 13 MAC 2014, PUKUL 10.00 PAGI

**Bil. 4**

---

**PERTANYAAN-PERTANYAAN BAGI JAWAB LISAN**

1. PR-1321-L59264  
**Datuk Juslie bin Ajirol [ Libaran ]** minta **MENTERI TENAGA, TEKNOLOGI HIJAU DAN AIR** menyatakan pelan strategik bagi memastikan bekalan elektrik di Sabah tidak kerap berlaku terputus bekalan dan berapa jumlah kes gangguan bekalan elektrik di Sabah sejak 10 tahun lalu.
2. PR-1321-L59822  
**Tuan Su Keong Siong [ Ipoh Timor ]** minta **MENTERI KESIHATAN** menyatakan statistik jumlah kes denggi dan kes kematian wabak denggi yang berlaku di Malaysia dalam tempoh tahun 2012-2013. Nyatakan keberkesanan kajian atau langkah Kementerian menggunakan "*Genetically Modified Mosquitoes*" untuk menangani wabak denggi di Malaysia.
3. PR-1321-L61058  
**Dato' Ahmad Fauzi bin Zahari [ Setiawangsa ]** minta **MENTERI PERDAGANGAN ANTARABANGSA DAN INDUSTRI** menyatakan adakah kajian yang dijalankan bagi sebarang jalinan kerjasama antara PROTON dan PERODUA bagi menghasilkan kereta hybrid tempatan yang lebih banyak pada masa akan datang dengan harga yang berpatutan bagi memberi inisiatif kepada rakyat yang ingin mengurangkan penggunaan petrol.
4. PR-1321-L61110  
**Dr. Azman bin Ismail [ Kuala Kedah ]** minta **MENTERI PEMBANGUNAN WANITA, KELUARGA DAN MASYARAKAT** menyatakan kadar kesuburan (*fertility rate*) negara kita. Apakah implikasi kadar kesuburan ini dalam usaha kita menjadi negara berpendapatan tinggi.

5. PR-1321-L59770  
**Tuan Anuar bin Abd. Manap [ Sekijang ]** minta **MENTERI PERTAHANAN** menyatakan:-
  - (a) apakah rancangan terkini Kementerian ke arah peningkatan kebajikan dan kebolehpasaran pesara tentera; dan
  - (b) apakah usaha-usaha Kementerian dalam melahirkan usahawan dan pengusaha industri kecil dan sederhana dari kalangan pesara.
6. PR-1321-L60326  
**Puan Siti Zailah binti Mohd Yusoff [ Rantau Panjang ]** minta **MENTERI KEWANGAN** menyatakan kedudukan nilai ringgit berbanding dengan matawang asing sejak tahun 2000 hingga 2014, apakah usaha Kerajaan untuk mengukuhkan nilai ringgit dan apakah punca nilai ringgit semakin rendah.
7. PR-1321-L59526  
**Dato' Haji Abdul Rahman bin Haji Mohamad [ Lipis ]** minta **MENTERI KEMAJUAN LUAR BANDAR DAN WILAYAH** menyatakan keluasan ladang yang diuruskan oleh RISDA Plantation Sdn. Bhd. (RPSB) ketika ini untuk tanaman getah dan sawit dan sejauh manakah ianya dapat memberikan pulangan hasil yang maksimum dan terbaik kepada pekebun kecil.
8. PR-1321-L60545  
**Tuan V. Sivakumar [ Batu Gajah ]** minta **MENTERI PELANCONGAN DAN KEBUDAYAAN** menyatakan sasaran Kementerian untuk jualan kraftangan bagi tahun ini. Pada tahun 2013, nilai jualan kraftangan adalah lebih kurang RM300 juta. Apakah langkah-langkah spesifik untuk mempromosi dan memajukan industri yang berpotensi tinggi ini.
9. PR-1321-L59581  
**Tuan Haji Mohd Fasih bin Haji Mohd Fakeh [ Sabak Bernam ]** minta **PERDANA MENTERI** menyatakan bilangan penjawat awam yang memiliki kelulusan sarjana dan doktor falsafah (PhD) masa kini dan nyatakan langkah kerajaan bagi menambahkan bilangan penjawat awam berkelulusan sedemikian bagi memacu negara mencapai negara maju berpendapatan tinggi serta nyatakan insentif yang diberikan kepada mereka berkenaan.
10. PR-1321-L60975  
**Puan Kasthuriraani a/p Patto [ Batu Kawan ]** minta **MENTERI BELIA DAN SUKAN** menyatakan plan tindakan yang disediakan bagi ahli sukan lelaki dan wanita yang sudah bersara sama ada disebabkan umur atau kecederaan, memandangkan ramai yang tiada sumber pendapatan selepas persaraan. Adakah wujud peluang untuk mereka berkhidmat semula dalam arena sukan.

11. PR-1321-L59752  
**Tuan Anyi Ngau [ Baram ]** minta **MENTERI KESIHATAN** menyatakan adakah terdapat rancangan oleh pihak Kementerian bagi menyelesaikan masalah kekurangan bekalan air di klinik-klinik kesihatan desa khususnya di kawasan pedalaman Baram.
12. PR-1321-L60219  
**Dato' Dr. Nik Mazian bin Nik Mohamad [ Pasir Puteh ]** minta **MENTERI PENDIDIKAN** menyatakan bilakah sebuah sekolah menengah baru di kawasan Gaal (Pasir Puteh) akan dibina memandangkan Sekolah Menengah Kebangsaan Gaal sudah kekurangan bilik darjah sejak daripada tahun 2000 lagi dan tanah sudah selesai pembayaran pampasan dalam tahun 2006.
13. PR-1321-L59613  
**Tuan Haji Zainudin bin Ismail [ Jelebu ]** minta **MENTERI KEWANGAN** menyatakan apakah pertimbangan-pertimbangan dan asas-asas yang telah diambil sebagai rasional kepada penyelarasan kadar premium insurans bagi kenderaan bermotor yang berkuatkuasa pada Februari 2014.
14. PR-1321-L61029  
**Datuk Mohd Idris bin Jusi [ Batu Pahat ]** minta **PERDANA MENTERI** menyatakan langkah-langkah konkrit bagi mengatasi tindakan memainkan isu-isu sensitif tentang kaum dan agama terus-terusan oleh beberapa NGO dan pihak-pihak yang lain supaya Malaysia dapat kekal sebagai sebuah negara pelbagai bangsa, budaya dan agama yang dihormati.
15. PR-1321-L60205  
**Dato' Hasbullah bin Osman [ Gerik ]** minta **MENTERI KESIHATAN** menyatakan dengan jelas bagi menepis tanggapan salah masyarakat mendapatkan perkhidmatan hospital Kerajaan lebih rumit dan menyukarkan dengan hanya menunggu temujanji demi temujanji sehingga pesakit menemui kematian dibandingkan hospital swasta cepat buat keputusan serta memerlukan bayaran yang tinggi sedangkan sebenarnya hospital Kerajaan mempunyai segala kemudahan umpamanya doktor pakar, ubatan canggih serta peralatan teknologi yang jauh lebih moden.
16. PR-1321-L60788  
**Tuan Chua Tian Chang @ Tian Chua [ Batu ]** minta **MENTERI KESIHATAN** menyatakan status pelajar-pelajar Malaysia yang memegang ijazah perubatan dari Rusia. Berapa ramai di antara mereka yang masih lagi tidak mendapat pekerjaan. Apakah rancangan Kementerian untuk pelajar-pelajar tersebut.
17. PR-1321-L61174  
**Dato' Sri Azalina binti Dato' Othman Said [ Pengerang ]** minta **MENTERI PENDIDIKAN** menyatakan apa usaha-usaha yang akan diambil Kementerian untuk memberikan akses pendidikan kepada bahawa kanak-kanak pelarian (*refugees*) di Malaysia.

18. PR-1321-L60695  
**Ust. Dato' Dr. Mohd. Khairuddin bin Aman Razali [ Kuala Nerus ]** minta **MENTERI PERUSAHAAN PERLADANGAN DAN KOMODITI** menyatakan langkah-langkah yang telah dan akan diambil oleh Kerajaan untuk menarik golongan muda melibatkan diri dalam industri getah.
19. PR-1321-L60706  
**Puan Hajah Normala binti Abdul Samad [ Pasir Gudang ]** minta **MENTERI DALAM NEGERI** menyatakan bilakah Pejabat Pendaftaran Negara di Pasir Gudang akan dipindahkan ke lokasi baru di Pusat Bandar Pasir Gudang.
20. PR-1321-L59415  
**Dato' Mansor bin Othman [ Nibong Tebal ]** minta **PERDANA MENTERI** menyatakan hasil daripada mesyuarat Majlis Rundingan Perpaduan Negara (NUCC) pada Januari 2014 dan sejauh manakah kesediaan Kerajaan bertindak atas cadangan-cadangan NUCC.
21. PR-1321-L60692  
**Datuk Jumat bin Idris [ Sepanggar ]** minta **PERDANA MENTERI** menyatakan:-
- (a) berapakah bilangan warganegara tanpa negara di negeri Sabah dan apakah kemudahan yang boleh dinikmati oleh mereka yang berstatus tanpa negara ini; dan
  - (b) adakah anak-anak tanpa negara ini dibenarkan mendapatkan pendidikan di negara ini.
22. PR-1321-L60406  
**Puan Alice Lau Kiong Yieng [ Lanang ]** minta **MENTERI PENGANGKUTAN** menyatakan:-
- (a) jumlah peruntukan yang diluluskan dan yang telah dibelanjakan untuk sistem MySikap; dan
  - (b) apakah masalah-masalah yang telah timbul sejak permulaan penggunaan MySikap dan apakah penyelesaiannya serta apakah masalah yang belum diselesaikan.
23. PR-1321-L60841  
**Datuk Rozman bin Isli [ Labuan ]** minta **MENTERI KOMUNIKASI DAN MULTIMEDIA** menyatakan adakah perancangan pihak Kementerian untuk mengembalikan waktu bersiaran Radio Malaysia Labuan (LabuanFM) kepada tempoh masa 18 jam sepertimana dahulu sebelum jadual bersiaran baharu iaitu 12 jam bermula 1 Februari 2014. Ini kerana, LabuanFM telah menjadi sinonim dengan kehidupan harian warga Labuan. Melaluinyalah diseminasi makluman awam, berita tempatan serta program yang melibatkan rakyat dan tetamu ke Pulau Labuan dapat disampaikan selama ini.

24. PR-1321-L60137  
**Tuan Teo Kok Seong [ Rasah ]** minta **PERDANA MENTERI** menyatakan secara terperinci mengapakah Suruhanjaya Pilihanraya (SPR) tidak membenarkan parti politik membuat pendaftaran pengundi baru.
25. PR-1321-L59447  
**Datuk Noor Ehsanuddin bin Mohd Harun Narrashid [ Kota Tinggi ]** minta **MENTERI KOMUNIKASI DAN MULTIMEDIA** menyatakan adakah Kementerian bercadang untuk mewujudkan unit khas pemantauan terhadap iklan-iklan komersial atau bahan promosi sama ada media cetak atau elektronik supaya lebih menerapkan ciri-ciri ketimuran.
26. PR-1321-L60099  
**Tuan Hee Loy Sian [ Petaling Jaya Selatan ]** minta **MENTERI PENGANGKUTAN** menyatakan:-
- (a) berapakah kos asal pembinaan KLIA 2; dan
  - (b) apakah kos tambahan bagi pembinaan KLIA 2 dan adakah projek ini akan disiapkan dan digunakan sepenuhnya seperti yang dijadualkan, pada 2 Mei 2014.
27. PR-1321-L61043  
**Datuk Haji Datu Nasrun bin Datu Mansur [ Silam ]** minta **PERDANA MENTERI** menyatakan apakah langkah dan peranan Kementerian dalam menangani isu “Palahu” yang terlalu banyak di Sabah. Golongan ini tidak mempunyai negara dan sentiasa berlegar di kawasan perairan Sabah, ia bukan sahaja memburukkan pemandangan kawasan bahkan boleh menjejaskan imej dan keselamatan negara sekiranya tiada penyelesaian dan langkah berterusan yang diambil oleh pihak Kementerian.
28. PR-1321-L60662  
**Dr. Haji Izani bin Haji Husin [ Pengkalan Chepa ]** minta **MENTERI KEWANGAN** menyatakan tarikh-tarikh penyerahan geran perkapita bagi negeri-negeri di Malaysia.
29. PR-1321-L59921  
**Tan Sri Datuk Seri Panglima Annuar bin Musa [ Ketereh ]** minta **MENTERI PENGANGKUTAN** menyatakan bilakah Kementerian akan memperbaiki segala kemudahan di Lapangan Terbang Sultan Ismail Petra, Kota Bharu Kelantan dan adakah ia akan diiktiraf sebagai sebuah Lapangan Terbang Antarabangsa.
30. PR-1321-L60158  
**Tuan Ng Wei Aik [ Tanjong ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah status terkini serta halangan-halangan untuk Majlis Perbandaran Pulau Pinang dinaiktarafkan sebagai Majlis Bandaraya Pulau Pinang. Adakah George Town kurang layak jikalau dibandingkan dengan ibu-ibu negeri yang berjiran seperti Alor Setar dan Ipoh.

31. PR-1321-L60282  
**Tan Sri Datuk Seri Panglima Joseph Pairin Kitingan [ Keningau ]** minta **PERDANA MENTERI** menyatakan sama ada pelaksanaan 'ESSCOM dan ESSZONE' berjalan dengan lancar mengikut keperluan objektif keselamatan dan adakah tahap pencapaian kini boleh dianggap sebagai memuaskan.
32. PR-1321-L59250  
**Tuan M. Kulasegaran [ Ipoh Barat ]** minta **PERDANA MENTERI** menyatakan:-
- (a) pecahan bilangan pelarian di Malaysia dengan berdasarkan kewarganegaraan masing-masing; dan
  - (b) apakah jenis bantuan dan peruntukan yang telah diberikan oleh Kerajaan kepada para pelarian.
33. PR-1321-L59285  
**Tuan Wong Tien Fatt @ Wong Nyuk Foh [ Sandakan ]** minta **MENTERI PENGANGKUTAN** menyatakan senarai secara terperinci, apakah kerja-kerja yang dijalankan untuk projek naik taraf Lapangan Terbang Sandakan, berapakah peruntukan untuknya, dan bilakah akan disiapkan. Adakah 'runway' dan 'aerobridge' ditambah. Bilakah ia akan dinaik taraf sebagai Lapangan Terbang Antarabangsa.
34. PR-1321-L59436  
**Raja Dato' Kamarul Bahrin Shah [ Kuala Terengganu ]** minta **MENTERI KERJA RAYA** menyatakan memandangkan bahagian forensik Jabatan Kerja Raya Persekutuan telah menjalankan siasatan berhubung keruntuhan bumbung Stadium Sultan Mizan, Terengganu, mengapakah kos pembaikan yang diumumkan pada 12 Februari 2014 mencecah sekurang-nya RM100 juta memandangkan kos asal bumbung hanya RM34 juta sahaja.
35. PR-1321-L60582  
**Tuan Sim Chee Keong [ Bukit Mertajam ]** minta **MENTERI SUMBER ASLI DAN ALAM SEKITAR** menyatakan status projek Rancangan Tebatan Banjir di Sg. Juru, Sg. Junjung, Sg. Perai, Sg. Rambai dan sekitar Seberang Perai Tengah serta Bukit Mertajam yang telah dijanjikan dalam RMK-9 dan RMK-10.
36. PR-1321-L60529  
**Puan Hajah Fuziah binti Salleh [ Kuantan ]** minta **MENTERI PENDIDIKAN** menyatakan berkenaan bantuan khas untuk sekolah-sekolah agama rakyat. Apakah pula syarat-syarat kelayakan bagi satu-satu sekolah agama rakyat untuk mendapat bantuan khas daripada pihak Kementerian.

37. PR-1321-L60008  
**Dato' Sri Liow Tiong Lai [ Bentong ]** minta **MENTERI DALAM NEGERI** menyatakan tindakan yang diambil bagi membantu syarikat dan peniaga yang memerlukan pekerja asing beroperasi dan adakah kemasukan pekerja asing yang baru akan dibenarkan untuk semua sektor kritikal.
38. PR-1321-L59813  
**Datuk Raime bin Unggi [ Tenom ]** minta **MENTERI DALAM NEGERI** menyatakan setakat manakah kekebalan sistem keselamatan Kerajaan dalam penyimpanan data-data peribadi di JPN.
39. PR-1321-L61148  
**Dato' Abdul Manan bin Ismail [ Paya Besar ]** minta **PERDANA MENTERI** menyatakan setakat mana usaha yang telah dilaksanakan bagi memastikan setiap institusi tahfiz persendirian di seluruh negara terutama di Pahang berdaftar dengan Sekolah Agama Bantuan Kerajaan (SABK) Kementerian Pendidikan.
40. PR-1321-L59236  
**Dato' Takiyuddin bin Hassan [ Kota Bharu ]** minta **MENTERI DALAM NEGERI** menyatakan sejauh manakah kejayaan pihak berkuasa khususnya PDRM dalam menghapuskan kumpulan kongsi gelap di negara ini, khususnya melalui OPS CANTAS dan OPS CANTAS KHAS.
41. PR-1321-L60435  
**Tuan Loke Siew Fook [ Seremban ]** minta **PERDANA MENTERI** menyatakan nilai peruntukan kewangan yang telah disalurkan kepada badan bukan Kerajaan yang dikenali sebagai PERKASA sejak penubuhan dan tujuan peruntukan tersebut.
42. PR-1321-L60757  
**Datuk Madius Tangau [ Tuaran ]** minta **MENTERI PENDIDIKAN** menyatakan apakah syarat-syarat yang diperlukan untuk mendaftarkan Lembaga Pengurusan serta pertukaran Guru Besar Sekolah Mubaligh.
43. PR-1321-L61009  
**Tuan Shamsul Iskandar bin Mohd Akin [ Bukit Katil ]** minta **MENTERI KEWANGAN** menyatakan:-
- (a) statistik penjawat awam yang memiliki rumah sendiri dan juga yang belum memiliki rumah sendiri dalam tempoh 5 tahun dari tahun 2009 sehingga 2013; dan
  - (b) sama ada projek perumahan seperti PR1MA yang dilancarkan berjaya meningkatkan pemilikan rumah sendiri di kalangan penjawat awam, dan nyatakan setakat manakah keberkesanannya.

44. PR-1321-L60808  
**Tuan Tony Pua Kiam Wee [ Petaling Jaya Utara ]** minta **MENTERI KEWANGAN** menyatakan:-
- (a) kedudukan, prestasi dan pulangan pelaburan 1MDB sebanyak US\$2.318 bilion yang diuruskan oleh sebuah syarikat "*segregated portfolio*" di Cayman Island; dan
  - (b) apakah nama dan alamat, siapakah pemilik dan pengurus dana syarikat "*segregated portfolio*" ini.
45. PR-1321-L59867  
**Dr. Ong Kian Ming [ Serdang ]** minta **MENTERI PERTAHANAN** menyatakan kenapa Mejar Zaidi Ahmad didakwa atas laporan beliau tentang dakwat kekal bermasalah memandangkan Pengerusi SPR sendiri mengakui bahawa dakwat kekal memang bermasalah.
46. PR-1321-L59351  
**Tuan Wilson Ugak Kumbong [ Hulu Rajang ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan senarai syarikat pengedar barang-barang bersubsidi di kawasan Parlimen Hulu Rajang dan apakah kriteria-kriteria yang perlu dipenuhi oleh syarikat-syarikat tersebut.
47. PR-1321-L60026  
**Tuan Zairil Khir Johari [ Bukit Bendera ]** minta **MENTERI PEMBANGUNAN WANITA, KELUARGA DAN MASYARAKAT** menyatakan status projek perintis Taska OKU yang dijanjikan dalam Bajet 2013, adakah ia sudah dilaksanakan dan jika tidak, mengapa.
48. PR-1321-L59571  
**Dato' Henry Sum Agong [ Lawas ]** minta **MENTERI DALAM NEGERI** menyatakan berapa ramai pekerja asing yang telah dihantar pulang ke negara masing-masing setakat ini dan berapa yang diberi permit kerja mengikut negeri serta apakah kesan kepada '*work force*' di negara ini.
49. PR-1321-L61157  
**Tuan Manivanan a/l Gowindasamy [ Kapar ]** minta **MENTERI KESIHATAN** menyatakan:-
- (a) adakah Kementerian sedar mengenai kegagalan Kementerian dalam memastikan hospital awam memenuhi permintaan rakyat secara efektif biarpun dengan peruntukan, sehingga menyebabkan rakyat terpaksa menunggu lama, ataupun terpaksa mendapat rawatan perubatan di hospital swasta dan kemudian menanggung kos perubatan yang tinggi; dan
  - (b) perkembangan terkini dan status secara terperinci tentang kajian skim 1Care dan bilakah Kerajaan akan melaksanakan skim tersebut.



50. PR-1321-L60959  
**Dato' Abd. Aziz bin Haji Sheikh Fadzir [ Kulim Bandar Baharu ]** minta **MENTERI SUMBER MANUSIA** menyatakan perancangan Kementerian untuk IPTA di seluruh Malaysia yang melahirkan lebih 100 ribu graduan setiap tahun dan lebih kurang 24 ribu graduan tidak bekerja. Apakah Kementerian sedar akan hal ini dan adakah Kementerian ada melaksanakan apa-apa inisiatif untuk menyelesaikan masalah ini.
51. PR-1321-L59560  
**Tuan Fong Kui Lun [ Bukit Bintang ]** minta **MENTERI KEWANGAN** menyatakan langkah penjimatan perbelanjaan negara yang berjaya diamalkan oleh Kerajaan bagi setiap sektor sepanjang 5 tahun lalu dan apakah halangan yang dihadapi untuk menjayakannya.
52. PR-1321-L60893  
**Datuk Ir. Dr. Wee Ka Siong [ Ayer Hitam ]** minta **MENTERI KERJA RAYA** menyatakan bilakah Akta Pendaftaran Jurutera 1967 akan dipinda di Parlimen. Apakah status terkini mengenai pendaftaran profesion "Teknologis" ini.
53. PR-1321-L60517  
**Tuan R. Sivarasa [ Subang ]** minta **MENTERI PENDIDIKAN** menyatakan bilangan Sekolah Kebangsaan, Sekolah Jenis Kebangsaan (Cina) dan Sekolah Jenis Kebangsaan (Tamil) yang ada di seluruh negara, serta menyatakan peningkatan atau pengurangan bilangan sekolah masing-masing tersebut dalam tempoh 5 tahun sejak tahun 2010 sehingga kini.
54. PR-1321-L59848  
**Tuan Oscar Ling Chai Yew [ Sibü ]** minta **MENTERI PERTANIAN DAN INDUSTRI ASAS TANI** menyatakan sama ada Kerajaan akan menarik balik diesel bersubsidi kepada kapal nelayan C dan C2. Berapakah jumlah kapal nelayan dari negara asing mendapatkan lesen untuk menangkap ikan di perairan negara kita.
55. PR-1321-L59617  
**Puan Teresa Kok Suh Sim [ Seputeh ]** minta **MENTERI DALAM NEGERI** menyatakan apakah keputusan Lembaga Penapisan Filem terhadap filem buatan tempatan "*The New Village*". Kenapakah filem tersebut masih belum ditayangkan.
56. PR-1321-L60352  
**Datuk Aaron Ago anak Dagang [ Kanowit ]** minta **MENTERI KEMAJUAN LUAR BANDAR DAN WILAYAH** menyatakan status pelaksanaan kesemua projek kemudahan asas (seperti jalan, bekalan air dan elektrik, hospital, klinik, sekolah dan lain-lain) di bawah NKRA bagi negeri Sarawak.

57. PR-1321-L60466  
**Tuan Ignatius Dorell Leiking [ Penampang ]** minta **PERDANA MENTERI** menyatakan berapakah peruntukan khas tahunan Parlimen diberikan kepada kesemua 222 Ahli Parlimen dan kepada siapakah peruntukan khas ini disalurkan di-kawasan-kawasan Parlimen yang dikuasai oleh ahli-ahli Parlimen pembangkang.
58. PR-1321-L60182  
**Tuan Sim Tze Tzin [ Bayan Baru ]** minta **MENTERI SAINS, TEKNOLOGI DAN INOVASI** menyatakan:-
- (a) kos ekspedisi 15 hari ke Antartika yang dianjurkan oleh Kementerian dengan kerjasama Yayasan Penyelidikan Antartika Sultan Mizan (YPASM); dan
  - (b) senaraikan nama peserta-peserta dan jawatan mereka yang menyertai rombongan tersebut dan rasional mereka sertai rombongan.
59. PR-1321-L60458  
**Tuan Mohd Rafizi bin Ramli [ Pandan ]** minta **MENTERI PENDIDIKAN** menyatakan status pembinaan sebuah sekolah jenis kebangsaan Cina (SJKC) di tapak milik Kerajaan Persekutuan (yang kini tanahnya dimiliki Pesuruhjaya Tanah Persekutuan) di Lembah Maju, Ampang Jaya dan bilakah pembinaan sekolah ini akan bermula.
60. PR-1321-L59902  
**Datuk Ahmad Jazlan bin Yaakub [ Machang ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan:-
- (a) apakah usaha Kementerian untuk mengatasi masalah kesesakan penduduk di rumah flat agar setiap satu keluarga mampu memiliki satu rumah; dan
  - (b) berapakah jumlah keluarga yang masih tidak memiliki rumah di seluruh negara.
61. PR-1321-L59488  
**Laksamana Pertama Mohamad Imran bin Abd Hamid (B) [ Lumut ]** minta **MENTERI PENGANGKUTAN** menyatakan adakah pihak Kementerian mengiktiraf Kursus *Standard of Training, Certification and Watchkeeping* yang dikendalikan oleh Kementerian Pertahanan (PERHEBAT).
62. PR-1321-L60615  
**Tuan Julian Tan Kok Ping [ Stampin ]** minta **MENTERI TENAGA, TEKNOLOGI HIJAU DAN AIR** menyatakan keberkesanan SEDA ACT 726 berbanding dengan pencurian kabel terhadap syarikat utiliti serta Kerajaan Tempatan. Senaraikan jumlah penyabitan makamah di seluruh Sarawak mengikut bahagian kawasan dari tahun 2008 sehingga 2013.

63. PR-1321-L60762  
**Tuan Lim Kit Siang [ Gelang Patah ]** minta **PERDANA MENTERI** menyatakan kejayaan yang dicapai dalam segi membanteras “rasuah besar-besaran” sejak beliau memegang jawatan Perdana Menteri pada April 2009 dan jumlah serta nama-nama “jerung besar” yang didakwa dan disabit kesalahan kerana rasuah.
64. PR-1321-L61125  
**Tuan Che Mohamad Zulkifly bin Jusoh [ Setiu ]** minta **MENTERI PENGANGKUTAN** menyatakan sejauh manakah kerajaan bercadang untuk mewujudkan kadet Jabatan Pengangkutan Jalan (JPJ) di sekolah menengah seluruh negara bagi melahirkan generasi muda yang berdisiplin ketika berada di jalan raya.
65. PR-1321-L60253  
**Dr. Tan Seng Giaw [ Kepong ]** minta **MENTERI PENDIDIKAN** menyatakan keadaan sebenar Pentaksiran Berasaskan Sekolah, pelbagai masalah dan langkah untuk mengatasinya.
66. PR-1321-L61084  
**Tuan Lim Lip Eng [ Segambut ]** minta **MENTERI DALAM NEGERI** menyatakan berapakah laporan polis dibuat, keterangan saksi diambil dan status terkini berhubung demonstrasi:-
- (a) menyumbat kangkung ke dalam mulut replika Perdana Menteri pada 15 Januari 2014 ; dan
  - (b) 3,000 orang di Pulau Pinang yang terlibat dalam membawa banting 'Mahu lagi 13 Mei' dan seorang pemuda dipukul pada 18 Januari 2014.
67. PR-1321-L60325  
**Tuan Haji Khalid bin Abdul Samad [ Shah Alam ]** minta **PERDANA MENTERI** menyatakan apakah tindakan Kerajaan terhadap pencerobohan bot Tentera Laut China memasuki Perairan James Shoal di Laut China Selatan baru-baru ini.
68. PR-1321-L59716  
**Dato' Ar. Wan Mohammad Khair-il Anuar bin Wan Ahmad [ Kuala Kangsar ]** minta **MENTERI PERTANIAN DAN INDUSTRI ASAS TANI** menyatakan baru-baru ini TEKUN telah membuat pertukaran kakitangan secara besar-besaran di seluruh negara dengan alasan bagi mengelakkan rasuah dan penyelewengan. Bagaimana Kementerian dapat memastikan tindakan pertukaran kakitangan boleh diatasi dengan kes rasuah dan salah guna kuasa.
69. PR-1321-L60619  
**Tuan Mohamed Hanipa bin Maidin [ Sepang ]** minta **MENTERI KEWANGAN** menyatakan:-
- (a) mengapakah sehingga kini pembinaan masjid di Cyberjaya masih belum disempurnakan; dan

- (b) mengapa berlakunya kelewatan dan adakah pemaju diambil apa-apa tindakan kerana kelewatan tersebut.

70. PR-1321-L60868  
**Datuk Haji Abdul Azeez bin Abdul Rahim [ Baling ]** minta **MENTERI PERUSAHAAN PERLADANGAN DAN KOMODITI** menyatakan apakah langkah atau alternatif yang diambil Kementerian bagi menangani masalah kuantiti hasil getah yang berkurangan akibat daripada musim kemarau di mana daun getah akan luruh dan mengeluarkan pucuk hingga menjejaskan pengeluaran.
71. PR-1321-L59659  
**Tuan Haji Hasbi bin Haji Habibollah [ Limbang ]** minta **PERDANA MENTERI** menyatakan bilakah Kerajaan akan menambah bilangan pegawai penguatkuasaan LPKP Sarawak agar menambah keberkesanan penguatkuasaan.
72. PR-1321-L59985  
**Dato' Wira Mohd Johari bin Baharom [ Kubang Pasu ]** minta **MENTERI PENGANGKUTAN** menyatakan mengenai ICP (*International Circulation Permit*):-
- (a) bilangan salahguna ICP secara terang terangan oleh van-van pelancong dari negara Thailand yang didaftarkan sebagai kenderaan persendirian tetapi digunakan sebagai perkhidmatan awam; dan
  - (b) untuk mengkaji semula kelonggaran 2km tanpa ICP, kerana ada salah guna daripada kenderaan asing yang memasuki negara sehingga ke Pulau Pinang dan lain-lain.
73. PR-1321-L60168  
**Dato' Seri Anwar bin Ibrahim [ Permatang Pauh ]** minta **MENTERI DALAM NEGERI** menyatakan perangkaan jenayah indeks and bukan indeks bagi 2014 hingga tempoh terkini, perbandingannya dengan tempoh sama tahun 2013, serta jumlah jenayah indeks dan bukan indeks 2013 mengikut negeri.
74. PR-1321-L59929  
**Tuan Gooi Hsiao-Leung [ Alor Setar ]** minta **PERDANA MENTERI** menyatakan hasil siasatan daripada laporan MACC Dato' Hj. Amiruddin Bin Hj. Hamzah yang dibuat pada 23 Januari 2014 di Kedah mengenai penyelesaian kes di luar mahkamah dalam kes sivil antara Heng Ghee Timber dan Bina Darulaman Berhad.
75. PR-1321-L60603  
**Tuan Liew Chin Tong [ Kluang ]** minta **PERDANA MENTERI** menyatakan cara dan rasional pengklasifikasian SPR membahagikan kawasan Parlimen dengan klasifikasi bandaraya, bandar, separuh bandar, separuh luar bandar dan luar bandar.

76. PR-1321-L59739  
**Datuk Wee Jeck Seng [ Tanjong Piai ]** minta **MENTERI PEMBANGUNAN WANITA, KELUARGA DAN MASYARAKAT** menyatakan statistik bantuan kebajikan masyarakat kepada warga emas yang miskin yang diberikan oleh Kerajaan melalui KAR1SMA Warga Emas atau Bantuan Orang Tua (BOT) yang disediakan menerusi Jabatan Kebajikan Masyarakat.
77. PR-1321-L60640  
**Dato' Shamsul Anuar bin Haji Nasarah [ Lenggong ]** minta **MENTERI PEMBANGUNAN WANITA, KELUARGA DAN MASYARAKAT** menyatakan pencapaian Kementerian sehingga sekarang dalam usaha membantu golongan kurang berkemampuan:-
- (a) apakah program-program baru Kementerian dalam usaha membantu golongan miskin; dan
  - (b) usaha Kementerian mengatasi masalah kemiskinan bandar.
78. PR-1321-L61284  
**Datuk Ikmal Hisham bin Abdul Aziz [ Tanah Merah ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan sejak operasi harga dijalankan mulai Januari hingga Februari berapa ramai jumlah peniaga yang diambil tindakan dan jumlah barang rampas keseluruhannya.
79. PR-1321-L61251  
**Dato' Sri Dr. Jamaluddin bin Mohd Jarjis [ Rompin ]** minta **MENTERI SUMBER ASLI DAN ALAM SEKITAR** menyatakan bagi mendalamkan dan membuat benteng-benteng pemecah ombak di Kuala Rompin bagi memudahkan dan memberi perlindungan kepada bot-bot laut dalam menjalankan aktiviti seharian mereka dan sebagai benteng bagi kehakisan pantai.
80. PR-1321-L60368  
**Dr. Mohd Hatta bin Md. Ramli [ Kuala Krai ]** minta **PERDANA MENTERI** menyatakan sama ada Majlis Fatwa Kebangsaan atau Majlis-majlis Fatwa Negeri ada memberikan fatwa terhadap keharusan hukum faedah yang di“award”kan di dalam kes-kes tuntutan sivil di mahkamah. Jika tiada, apakah pihak Kerajaan bercadang untuk memberikan penjelasan hukum berkenaan.

### **ATURAN URUSAN MESYUARAT DAN USUL-USUL**

1. **Usul dibuat oleh Yang Berhormat Tan Sri Datuk Seri Utama Shahrir bin Abdul Samad (Johor Bahru) dan masalah dicadangkan :-**

“Bahawa suatu ucapan yang tidak sepatutnya dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Seri Paduka Baginda semasa membuka Penggal Kedua, Parlimen Yang Ketiga Belas.”

#### **Menyambung semula Perbahasan atas masalah (12 Mac, 2014)**

2. (D.R. 23/2013) Rang Undang-undang Saraan Hakim **Bacaan Kali Yang Kedua**  
(Pindaan) 2013

#### **[ Menteri di Jabatan Perdana Menteri ]**

3. (D.R. 13/2013) Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 “

#### **[ Menteri Dalam Negeri ]**

4. (D.R. 24/2013) Rang Undang-Undang Pencegahan Pengubahan Wang Haram dan Pencegahan Pembiayaan Keganasan (Pindaan) 2013 “

#### **[ Menteri Kewangan ]**

5. PR-1321-U59393  
**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, rakyat padakeseluruhannya berbesar hati dan mengalu-alukan usaha kerajaan dalam menangani masalah jenayah di negara ini dengan menubuhkan satu jabatan khusus dalam institutusi kepolisan iaitu Jabatan Pencegahan dan Pembanterasan Jenayah Polis DiRaja Malaysia.

Dan mengambil maklum juga, bahawa umum mengetahui bahawa Jabatan Pencegahan dan Pembanterasan Jenayah PDRM ini hanya berfungsi diperingkat Ibupejabat Bukit Aman sahaja dan keanggotaanya amat terhad.

Dan mengambil maklum juga bahawa, kekangan yang dihadapi oleh JPPJ dan PDRM ini adalah disebabkan oleh kelewatan pihak Suruhanjaya Perkhidmatan Awam dalam memproses keperluan bagi perjawatan dan mengisi perjawatan dalam JPPJ-PDRM.

Dan mengambil maklum juga bahawa, rakyat dan masyarakat menaruh harapan serta kepercayaan penuh bahawa dengan tertubuhnya JPPJ-PDRM ini, kadar jenayah dinegara ini akan dapat diturunkan pada kadar minima dan sekali gus menjadikan kebolehppercayaan rakyat mengenai dengan keselamatan negara ditingkatkan.

Maka, bagi menangani masalah yang dihadapi oleh JPPJ-PDRM ini, Dewan ini hendaklah mengambil ketetapan bahawa, pihak kerajaan hendaklah dalam kadar segera mendesak pihak Suruhanjaya Perkhidmatan Awam Malaysia untuk segera menyediakan perjawatan bagi semua jawatan yang diperlukan dalam Jabatan Pencegahan dan Pembenterasan Jenayah Polis DiRaja Malaysia, supaya jabatan ini dapat ditubuhkan disemua peringkat, iaitu peringkat Pusat Bukit Aman, peringkat Ibu pejabat Polis Kontingen dan Ibu Pejabat Polis Daerah, agar fungsinya sebagai Agensi Pencegahan dan Pembenterasan Jenayah dapat dilaksanakan dengan jayanya."

**( Perdana Menteri )**

6. PR-1321-U59394  
**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, sejak tertubuhnya Kawasan Keselamatan Khas Pantai Timur Sabah - ESSCOM, aliran keluar masuk pendatang asing kenegara ini, kini boleh dipantau sebanyak-sedikit.

Dan mengambil maklum juga, bahawa kawasan ESSCOM ini masih belum kebal-tembus oleh penceroboh asing yang selalu mengganggu keselamatan dan kedaulatan negara. Dan mengambil maklum juga bahawa, dengan aset sedia ada, kerja-kerjapengawasan dan perlindungan kawasan ESSCOM yang panjangnya sejauh 1400 kilometer amatlah rumit.

Dan juga mengambil maklum bahawa, pengendalian dan kos operasi aset-aset ESSCOM sedia ada amatlah tinggi dan bagi sesetengah situasi, agak merbahaya bagi anggota yang terlibat. Maka, bagi menangani masalah pengawasan dan perlindungan kawasan ESSCOM ini, dewan ini hendaklah mengambil ketetapan bahawa, selain dengan aset sedia ada, kerajaan hendaklah menggunakan khidmat kenderaan udara tanpa pemandu drone - unmanned aerial vehicle) terutama sekali bagi menjalankan kerja-kerja pengawasan perairan ESSCOM."

**( Perdana Menteri )**

7. PR-1321-U59409  
**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, kedai rakyat 1Malaysia - KR1M menawarkan harga barangan 30% - 40% lebih murah berbanding dengan kedai biasa. Dan mengambil maklum juga, bahawa hasrat murni kerajaan untuk mengurangkan bebanan kos sara hidup rakyat ini amatlah disanjung tinggi dan seharusnya dinikmati oleh semua lapisan rakyat terutamanya sekali mereka yang berpendapatan rendah jauh dipedalaman.

Dan mengambil maklum juga bahawa, hampir semua KR1M terletak di pekan-pekan utama terutama sekali di negeri Sabah. Kedudukan ini serba-sedikit membantutkan usaha kerajaan untuk mengurangkan beban kos sara hidup kumpulan sasaran - kumpulan berpendapatan rendah, dari segi kebolehcapaian pengguna. Misalnya, adalah tidak praktikal bagi pengguna untuk ke pekan hanya untuk membeli sekilo tepung.

Dan mengambil maklum juga bahawa, hasrat kerajaan dalam menubuhkan KR1M ini boleh dipanjangkan lagi dengan konsep merakyatkan KR1M. Yakni pihak KR1M bolehlah menyediakan perkhidmatan jurujual dengan menggunakan van atau pun lori, di mana jurujual ini akan masuk ke seluruh kedai-kedai runcit yang terdapat di kampung-kampung, mukim dan sebagainya bagi membekalkan produk KR1M.

Dengan kaedah ini, produk KR1M dapat di boleh-capai oleh semua lapisan rakyat Malaysia. Maka, bagi memenuhi hasrat kerajaan dalam penubuhan KR1M, dewan ini hendaklah mengambil ketetapan bahawa, pihak kerajaan hendaklah memperluaskan lagi kebolehcapaian KR1M dengan memperluaskan pasaran produk KR1M melalui kaedah diatas."

**( Menteri Perdagangan Dalam Negeri, Koperasi Dan Kepenggunaan )**

8. PR-1321-U59411  
**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, Sekolah Rendah Jenis Kebangsaan Hwa Shiong Putatan terletak berhampiran dengan Lebuh raya Putatan - Papar.

Dan mengambil maklum juga, bahawa sekolah ini menempatkan lebih daripada 700 orang murid sekolah dimana lebih daripada 50% murid ini akan menyeberang Lebuh raya Putatan - Papar, bagi tujuan menaiki bas, kereta atau pun berjalan kaki untuk pergi dan pulang ke sekolah.



Dan mengambil maklum juga bahawa, lintasan ini juga digunakan oleh orang ramai.

Dan mengambil maklum juga bahawa, selain Lebuhraya Putatan - Papar, murid-murid SRJKC Hwa Shiong dan orang ramai juga kena menlintasilaluan kereta api bagi tujuan urusan harian mereka. Maka, atas faktor keselamatan, Dewan ini hendaklah mengambil ketetapan bahawa, pihak Kerajaan hendaklah mendirikan jejantas pejalan kaki, menyeberangi rel kereta api dan Lebuhraya Putatan – Papar Berhadapan dengan SRJKC Hwa Shiong demi untuk keselamatan murid-murid sekolah dan orang awam."

**( Menteri Kerja Raya )**

9. PR-1321-U60274

**Dr. Tan Seng Giaw [ Kepong ]** akan mencadangkan:-

"Bahawa Dewan ini membahaskan langkah-langkah yang boleh memperkukuhkan keamanan dan perpaduan negara majmuk ini".

**( Perdana Menteri )**

10. PR-1321-U60276

**Dr. Tan Seng Giaw [ Kepong ]** akan mencadangkan:-

"Bahawa Dewan ini membincangkan projek memperbaiki Dewan yang bocor, tempoh yang diperlukan dan jumlah perbelanjaan, sebagai contoh teladan kepada negara".

**( Perdana Menteri )**

11. PR-1321-U60277

**Dr. Tan Seng Giaw [ Kepong ]** akan mencadangkan:-

"Bahawa Dewan ini menyatakan kadar pembangunan Internet yang terkini di semua aspek berbanding dengan negara seperti Korea Selatan. Apakah jenis pembangunan dan jumlah kosnya serta prestasinya."

**( Menteri Komunikasi dan Multimedia )**

12. PR-1321-U59580

**Tuan Fong Kui Lun [ Bukit Bintang ]** akan mencadangkan:-

"Bahawa Dewan ini menggesa Suruhanjaya Pilihanraya Malaysia dalam proses untuk melaksanakan persempadanan semula kawasan pilihanraya hendaklah memastikan wujud keseimbangan pemilih antara pilihanraya dan mengelak perbuatan menggerimander (gerrymandering) yang merugikan para pemilih."

**( Perdana Menteri )**

13. PR-1321-U59582

**Tuan Fong Kui Lun [ Bukit Bintang ]** akan mencadangkan:-

"Bahawa dewan ini menggesa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahupun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

**( Perdana Menteri )**

14. PR-1321-U60610

**Tuan Liew Chin Tong [ Kluang ]** akan mencadangkan:-

"Bahawa Dewan ini menyokong cadangan menetapkan sebarang pembelian aset atau sistem pertahanan yang melebihi RM100 juta oleh Kementerian Pertahanan, mesti dibawa ke Parlimen untuk dibahas dan diaudit oleh Jabatan Audit Negara untuk syarat meneruskan pembelian ini. Ini juga bertujuan untuk mempertingkatkan integriti dan keberkesanan pembelian sistem pertahanan."

**( Menteri Pertahanan )**

15. PR-1321-U60119

**Tuan Hee Loy Sian [ Petaling Jaya Selatan ]** akan mencadangkan:-

"Bahawa Dewan ini menolak politik samseng dan perkauman serta menggesa perdebatan dasar secara rasional dan tanpa keganasan. Tindakan keganasan beberapa NGO pro-Kerajaan terhadap warganegara biasa dan mengugut bunuh Ahli Dewan Undangan Negeri Macang Bubok Pulau Pinang dan Ahli Parlimen Seputeh telah melanggar undang-undang jenayah Malaysia, oleh yang demikian pihak polis mestilah menyiasat suspek di bawah Kanun Acara Jenayah dengan segera."

Biarlah rakyat jelata mendengar penjelasan dalam satu perdebatan yang sihat dan dengan ini Malaysia akan mengorak langkah ke satu kebudayaan demokrasi yang lebih matang. Maka dengan ini Dewan hendaklah mengambil ketetapan untuk meminta Kerajaan melalui Peguam Negara untuk mengambil tindakan tegas terhadap pihak yang cuba meniupkan unsur perkauman dalam agenda politik mereka."

**( Perdana Menteri )**

16. PR-1321-U60120

**Tuan Hee Loy Sian [ Petaling Jaya Selatan ]** akan mencadangkan:-

"Bahawa Dewan ini mendesak Kerajaan menubuhkan mahkamah koroner yang tetap, bebas dan profesional bagi menjalankan inkues bagi semua kes kematian di bawah agensi-agensi penguatkuasaan undang-undang."

**( Perdana Menteri )**

17. PR-1321-U61176

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan mempertimbangkan cadangan untuk kes kematian dibawah tahanan Polis Diraja Malaysia, keluarga simati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga simati semasa bedah siasat dijalankan. "

**(Menteri Dalam Negeri )**

18. PR-1321-U61180

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

**( Menteri Pendidikan )**

**RISALAT-RISALAT YANG DIBAWA KE DALAM MESYUARAT  
(DEWAN RAKYAT)**

<b><u>TAHUN 2013</u></b>	<b><u>RISALAT/DOKUMEN</u></b>	<b><u>TARIKH DIBENTANGKAN</u></b>
ST.140	Laporan Tahunan dan Penyata Kewangan Lembaga Hasil Dalam Negeri Malaysia Bagi Tahun 2012.	13 Mac 2014
ST.141	Laporan Tahunan dan Penyata Kewangan Yayasan Tun Razak Bagi Tahun 2012	13 Mac 2014

<b><u>TAHUN 2014</u></b>	<b><u>RISALAT/DOKUMEN</u></b>	<b><u>TARIKH DIBENTANGKAN</u></b>
ST. 1	Laporan Tahunan dan Penyata Kewangan Lembaga (Penyelidikan dan Kemajuan) Perusahaan Timah Bagi Tahun 2012	13 Mac 2014
ST. 2	Laporan Tahunan dan Penyata Kewangan Lembaga Jurukur Tanah Bagi Tahun 2012	13 Mac 2014
ST. 3	Laporan Tahunan dan Penyata Kewangan Suruhanjaya Koperasi Malaysia Bagi Tahun 2012	13 Mac 2014